



“UN SCIANT DE STORIA”  
DEI TALIANI VENETI  
MIGRADI NEL MONDO

Se anco se troven unidi qua l'è parchè in tel nostro cor  
ghe ne tanta voia de conoser e ricordar.  
Ricordar i nostri veci che ie partidi co so femene  
e so fioi par andar su posti novi in serca de un toc de tera  
par far crescer la so era.  
Tera dura e arsa da mestegar,  
ma i bocete i vea bisogno de magnar.  
Rivea sera e strachi morti i tornea casa da i so camp,  
pite e vache da varnar e sora la tola radici e fasoi da senar.  
Su pae scae andar sul let e di su tante rasion  
parchè el Signor el ghe mandese iose bone  
e no regnese confusion.  
El so pensier l'era sempre in tel Veneto  
e l'aver lasà le volpere e el pezolon  
nol ghe fea gnanca ciapar son.  
E senza serar ocio rivea matina e n'altro dì da scominsiar  
e par tirarse su co un piat de pestarei  
ma i era sol che quei.  
Noialtri Veneti sen 'ndati in tante bande dea tera  
a far crese par ognun quel che i dis ancò  
el nord-est dea nostra era.  
I nostri veci i ne a insegnà che l'amor  
par la fameia nol va desmentegà.  
E par serar sto sciant de storia  
un proverbio che ne reste sempre in memoria.  
Cossa importa aver le scarpe rote  
se in fondo al cor mi son content  
Ste paroe no e fa rima  
Ma le ne fa pensar a come se era prima.

Pensieri e di Gianni  
Sentimento Sossai!

